

附占輪相法

至心敬禮十方一切諸佛

願令十方一切眾生速疾皆得親近供養

諮受正法

至心敬禮十方一切法藏

願令十方一切眾生速疾皆得受持讀誦

如法脩行及為他說

至心敬禮十方一切賢聖

願令十方一切眾生速疾皆得親近供養

發菩提心至不退轉

至心敬禮地藏菩薩摩訶薩

願令十方一切眾生速得除滅惡業重罪

離諸障礙資生眾具悉皆充足

如是禮已，隨所有香華等，當脩供養，作是唱言：

嚴持香華如法供養

願此香華雲 遍滿十方界 供養一切佛

尊法諸賢聖 無邊佛土中 受用作佛事

至此停唱，散華作供，復運想云：

一切佛法僧寶乃至離念清淨畢竟圓滿